



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

CCCLXXVII. Vereinigung der Stadt Prenzlau mit Stückgießern über den  
Guß einer Büchse, vom 26. August 1433.

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

CCCLXXVII. Vereinigung der Stadt Prenzlau mit Stückgießern über den Guß einer Büchse,  
vom 26. August 1433.

In nomine domini Amen. Anno a Natiuitate eiusdem Millefimo Quadringentesimo Tricesimo Tercio, Indictione vndecima, Die vero Mercurii Vicefima Sexta Mensis Augusti, hora Nonarum uel quasi, pontificatus sanctissimi in Christo patris et domini nostri, domini Eugenii, diuina prouidencia pape Quarti, Anno eius Tercio, In mei Notarii publici testiumque infracriptorum ad hoc specialiter vocatorum et rogatorum prefencia personaliter constituti Venerabiles viri domini Otto hoppe, Johannes Angghermunde et hennyngus kyritze, proconsoles, necnon Stentzke Stoybe, Clauus Clincoo et alii domini Consoles opidi premtzlow, Caminenfis diocesis ex vna, et quidam Johannes de lauedo ac Johannes pantzermeker, magistri in arte fundendi pixidum et confimilium Instrumentorum bellicorum, iidem Johannes van lauedo et Johannes pantzermeker publice coram me Notario publico profitebantur, sicut eciam et domini de Consulatu met asseruerunt, qualiter cum prefatis dominis de consulatu certum contractum super fusione vnus pixidis inierunt pro certa summa pecunie fundendi, sic tamen, quod pixidem bonum et sine aliqua diminucione et defectu ipsis dominis de Consulatu tradere et assignare tenebantur. Quem tamen pixidem in fusione destruxerunt, sic quod contractus, ut premittitur, celebratus debitum non forciabatur nec fortiri potuit effectum. Et tamen, ut apparuit, precium, ut predebatur per ipsos, pro huiusmodi fusione pixidis deseruitum integre et totaliter ab ipsis dominis de Consulatu postularunt. Qui quidem domini de Consulatu responderunt: quod non, sed quam cito contractus premiffus suum debitum sortiretur effectum ex suis ex partibus, tam cito eciam ipsi libenter vellent summulam pecunie pro precio promissam absque defacalcacione, difficultate et contradictione ac eciam integre et totaliter exoluere ac ipsis magistris Johanne (sic) de lauedo et Johanne pentzermeker libenti animo assignare. Et adiunxerunt iidem domini de Consulatu, quod funderent secundario et alterata vice pixidem ipsum videlicet, vt premittitur, in fusione destructum et incompletum, sic quod completeretur et idem pixis perficeretur, sub tamen propriis eorum expensis; Extunc ab instanti fusione huiusmodi peracta et diminucione (sic) pixidis completa et sua perfectione cognita vellent, ut premittitur, eandem summulam pecunie promissam perfoluere totaliter et ad effectum modo et forma premiffis, Ista tamen condicione annexa, quod pixidem ipsum in quantitate eadem et maioritate cum pixide iam fuso obseruarent. Ipsi vero Johannes de lauedo et Johannes pentzermeker hoc minime facere se dixerunt posse, nec valere hoc adimplere propter dampnum, qui exinde ipsis inferretur, quoniam asseruerunt, pixidem ipsum in secundaria fusione oportere necessario diminui, nisi plus de materia pixidis apponeretur, quam tamen appositionem ad se spectare omnino recusabant. Quo audito dominus Johannes Angghermunde, proconsul prefatus, ex parte consulatus predicti respondit, quod, ita ut premittitur per consulatum, pixidem de nouo fundere in eadem quantitate inciperent et ante complecionem huiusmodi fusionis ipsi domini de Consulatu vellent sub propriis eorum expensis ambarum huiusmodi, videlicet dominorum de Consulatu ex vna et ipsorum Johannis et Johannis partibus ex altera, causas et specialiter articulum de materie ulteriori pixidis appositione Venerabilibus et Circumspectis viris dominis Proconsulibus et Consulibus Ciuitatis Magdeburgensis fideliter inscriptas representare, sic quod de huiusmodi cause meritis agnoscerent, et quid illi dictarent rationis esse et iuris, ad quam videlicet harum parcium appoficio materie ulterioris ad pixidem fundendum spectaret, quod pars



illa appositionem ipsius materie necessarie procuraret. Quod iterum se facere minime valere Johannes de lauedo et Johannes pentzermeker predicti asseruerunt, Sed se velle stare dictamini domini Johannis, de dei gracia Comitis Brandenburgensis etc., proprii dicti Consulatus domini, asseruerunt et allegarunt. Quod postquam dicti domini de Consulatu interlocutione preuia acceptarunt et hoc idem ita tenere promiserunt, pars altera, Johannes videlicet et Johannes, se neque hoc adimplere posse replicarunt, Ita proprium eorum dictum reuocando. Tandem tamen et ultimo prefatus Johannes de lauedo dixit, quod pecuniam per eos perceptam in recompensam sui laboris defalcare vellet, sic quod ambe partes quite, libere et solute ab obligatione mutua et impetitione essent et permanerent, Ita quod dicti domini de Consulatu prefatos Johannem de lauedo et Johannem pentzermeker pro irritatione contractus prioris initi impetere aut in aliquo molestare non deberent, sic pariformiter nec ipsi pro summule pecunie promissione nunquam dominos de Consulatu monere, impetere aut aliquatenus impedire presumerent aut inquietare. Quod iterum domini de Consulatu gratanter acceptarunt, approbarunt et emolgerunt, nec se contra illud dictamen proprium quouismodo ire allegarunt. De et super quibus omnibus et singulis prefati domini de Consulatu me Notarium publicum infra scriptum requisierunt, quatenus ipsis super premissis vnum aut plura publicum seu publica conficerem Instrumentum et Instrumenta. Acta sunt hec in Theatro opidi prempzlow dicte Caminensis diocesis, Sub Anno, Indictione, die, mense, hora et pontificatu, quibus supra, Presentibus honorabilibus et discretis viris dominis francisco Meelmeker et ludolpho Meelmeker, clerico et laico fratribus dicte Caminensis diocesis, et pluribus aliis fidedignis Testibus ad premissa vocatis specialiter et Rogatis.

Et ego Johannes kuwetze, clericus Caminensis diocesis, publicus Imperiali auctoritate Notarius, Quia premissis omnibus et singulis, dum sic, vt premittitur, agerentur et fierent, vna cum prenominatis testibus presens interfui, Eaque sic fieri vidi et audiui, Ideo hoc presens publicum Instrumentum manu propria conscriptum exinde confeci, publicauit et in hanc publicam formam redegei, Quam signo et nomine meis solitis et consuetis signaui, Rogatus et requisitus in fidem et testimonium omnium et singulorum premissorum.

Nach dem Originale des Prenzlauer Stadtarchives.

CCCLXXVIII. Die von Greiffenberg befunden eine dem Priester Nikolaus Möller zu Prenzlau versicherte Schulb, am 6. November 1435.

Vor allen cristen bedderuen luden, dy dessen bryff syen edder horen lesen, Bekenne ik hans van grifenberghe, olde Reyboldes van grifenberges sone, vor my vnde myne brodere vnde vor mynen rechten eruen, dat myn lyue frund Otto hoppe, borghermeyster der stad Prempflow, vmme myner schult wille hefft tynspflichtich gemaket syne wanunghe, hoff vnde hus, dar hy ynne wanet tho prempflow, vnde hefft dar vp scriuen laten XXIX mark suluers, dar he aue geuen schal vnde mud alle Jar VI brandenburgisch punt pennighe deme erliken priester her Nicolao molner vnde synen nakomelinghe sodaner wyse, also dat in der schepen buk